

¡BOMBA!

Ante amago arancelario
y mucho ruido en las redes,
y más cosas que veredes,
¡hay músculo de empresario!



K'uintsil

Jueves 28 de noviembre de 2024

CAMPECHE · YUCATÁN · QUINTANA ROO · AÑO 10 · NÚMERO 2372 · www.lajornadamaya.mx



U kúuchil San Ildefonsoe' táan u k'iimbesik 100 jabo'ob yanak Abraham Zabłudovsky

Alondra Flores / p 21
Oochel Colegio de San Ildefonso

U ye'esajil *Abraham Zabłudovsky*: 100 años, jump'éeel k'iimbesaj u ti'al jnaxikoil arkitektóo, tumen táan u ki'óolta'al tu chukaj jump'éeel siiglóo síijik. Le beetike' Colegio de San Ildefonsoe' táan u beetik e'esajil tu'ux ku xak'alta'al jayp'éeel k'aanan meyaj tu beetaj ti'al u na'atal u ka'a chúumukil siglo XX ti' u noj lu'umil México.

Óoxp'éeel u nooy e'esajil yaan. Beeta'an beyo' ti'al u k'ajóolta'al ba'ax tu meyajtaj: yáaxe' u ti'al meyaj'ob

jatsa'an beey residenciales yéetel kúuchilo'ob tu'ux ku múuch' kajtal wíinik, je'el bix u jaats ja'abilo'ob años 50, tu'ux chíika'an "tu piis beeta'an" yéetel chúuka'an le beyka'aj k'a'abéeto'.

U ka'a jaatse' ku ye'esik bix ka'ach le ba'ax bak'pachtik u máakil ka'achij, tu'ux táaka'an tak u disenyoil u yotoch tso'oksa'ab tu ja'abil 1969, jsúut jump'éeel "laboratoryóoil modernidad", tu'ux jach chíika'an

geometría yéetel composición. Yaan xan jayp'éeel muebles. Ichil le je'elo'obo' u cuna Gina, u chan paalil, yéetel jayp'éeel u ba'alumbáaj Bauhaus. Tu tsooke', ku chíikbesa'al uláak' noj k'aanan meyaj tu beetaj je'el bix Biblioteca de México.

Oocheloo'ob, maquetas yéetel planose' ku ye'esiko'ob kex 27 u p'éeel meyaj'ob tu beetaj, jayp'éeel ti' lelo'obo' meyaj tu múul beetaj yéetel j-arkitektóo, Teodoro

González de León, tu ka'atúulalo'obe' kaambanajo'ob ti' Mario Pani.

Ee'sajile' yaan u béeytal u cha'antal tak 19 ti' enero ti' u ja'abil 2025, tu kúuchil Colegio de San Ildefonso p'aatal yóok'ol u bejil Justo Sierra 16, tu k'iíwikil Ciudad de México.

Abraham Zabłudovskye' síij tu noj lu'umil Polonia tu k'iinil 9 ti' junio ti' u ja'abil 1924, ba'ale' k'uch tu lu'umil yéetel u láak'tsilo'ob tu ja'abil 1925.